



# Eng ko'p beriladigan savollar

## Kollej uchun jamg'arish dasturi haqida

2025-2026 o'quv yili



### Top 5 narsalar Oilalar bilishi kerak

1. NYC davlat maktabida (jumladan, ishtirok etuvchi charter maktablari) o'qiyotgan bolalar bog'chasi, birinchi sinf, ikkinchi sinf, uchinchi sinf yoki to'rtinchi sinf o'quvchilari bo'lgan barcha oilalar o'zlarining daromadi yoki immigratsiya maqomidan qat'i nazar, Kollej uchun jamg'arish dasturida (Save for College Program) ishtirok etish huquqiga ega.
2. Agar mos kelsa hamda siz undan chiqishni va qatnashmaslikni tanlamasangiz, farzandingiz Dasturda **avtomatik ravishda ro'yxatdan o'tadi**.
3. Ro'yxatdan o'tgach, sizga farzandingizning bepul NYC Stipendiya hisobini (NYC Scholarship Account) faollashtirish bo'yicha ma'lumotlar keltirilgan Xush kelibsiz bukleti taqdim etiladi, unda farzandingiz nomidan NYC Kids RISE tomonidan dastlabki 100\$ beriladi.
4. Farzandingizning NYC Stipendiya hisobini (NYC Scholarship Account) faollashtirgandan keyin, siz qo'shimcha mukofotlarga ega bo'lish uchun Asosiy bosqichlar (Building Blocks) deb ataluvchi boshqa boshlang'ich qadamlarni ham bajara olasiz.
5. NYC Stipendiya hisoblaridagi (NYC Scholarship Account) mablag'lar kollej yoki kasbiy tayyorgarlik bilan bog'liq turli xarajatlar uchun ishlatilishi mumkin.

## 1. NYC Kids RISE Kollej uchun jamg'arish dasturi (Save for College Program) nima?

NYC Kids RISE Kollej uchun jamg'arish dasturi (Save for College Program) – bu barcha NYC davlat maktablari o'quvchilari uchun, ularning oilaviy daromadi yoki immigratsion maqomidan qat'i nazar, kollej va kasb-hunar tayyorgarligini yanada ochiq va qulay qilish maqsadida ishlab chiqilgan stipendiya va jamg'arma dasturidir.

Bolalar bog'chasidan boshlab, NYC davlat maktablariga (shu jumladan ishtirokchi charter maktablarga) qabul qilingan har bir o'quvchiga, agar ota-onasi yoki vasiy Kollej uchun jamg'arish dasturi (Save for College Program)dan “chiqishni” tanlamasa, kelajakdagi oliy ta'limi uchun boshlang'ich 100\$ bilan NYC Stipendiya hisobi (NYC Scholarship Account) avtomatik tarzda ochiladi. Oilalar, dastur doirasida farzandlari foydasiga o'zlariga tegishli kollej va kasb-hunar tayyorgarligi uchun jamg'arma hisobini ochish va/yoki ulash orqali, ushbu hisobga yo'naltiriladigan qo'shimcha stipendiya mukofotlarini qo'lga kiritishi mumkin. Shundan keyin, oilalar o'z moliyaviy imkoniyatlariga mos ravishda turli usul va miqdorlarda jamg'arishni boshlashlari mumkin. Hamjamiyatlar ham har bir bolaning muvaffaqiyatini qo'llab-quvvatlash maqsadida Hamjamiyat stipendiyalari (Community Scholarships) orqali o'quvchilar guruhining NYC Stipendiya hisoblariga (NYC Scholarship Account) qo'shimcha mablag' ajratishlari mumkin.

NYC Stipendiya hisoblariga (NYC Scholarship Account) ajratilgan mablag'lar Nyu-York shtatining 529 Kollej Jamg'arma Dasturiga *To'g'ridan-to'g'ri reja (Direct Plan)*<sup>1</sup> jamg'arma hisobida investitsiya qilinadi va ushbu hisob NYC Kids RISE notijorat tashkiloti tomonidan ishtirokchi o'quvchilar nomidan boshqariladi va yuritiladi.

## 2. Kollej uchun jamg'arish dasturi (Save for College Program) nima uchun yaratilgan?

Farzandning ta'limiy kelajagi uchun jamg'arish qiyin bo'lishi mumkin. Ko'plab oilalar uchun farzandini kollejga yuborish imkonsizdek tuyuladi. NYC Kids RISE, Nyu-York shahri va NYC davlat maktablari hamkorligida, oilalarni farzandlari maktabga ilk qadam qo'ygan kundan boshlab kollej va kasb-hunar tayyorgarligi uchun jamg'arish va rejalashtirishda qo'llab-quvvatlash maqsadida Kollej uchun jamg'arish dasturini (Save for College Program) yo'lga qo'ydi. Tadqiqotlar shuni ko'rsatadiki, kollej uchun 1\$ dan 500\$ gacha jamg'armaga ega bo'lgan bolalar kollejga o'qishga kirish ehtimoli uch baravar, uni tamomlash ehtimoli esa to'rt baravardan yuqori bo'ladi. Tadqiqotlar shuningdek, kollejda o'qigan bolalar umri davomida ancha yuqori maosh olishlari va ishsizlik xavfi kam bo'lishini ko'rsatmoqda.

## 3. Kollej uchun jamg'arish dasturida (Save for College Program) kimlar ishtirok etishi mumkin?

2025–2026 o'quv yilidan boshlab, NYC davlat maktabiga (shu jumladan, ishtirokchi charter maktablarga) qabul qilingan bolalar bog'chasidan tortib to to'rtinchi sinfgacha bo'lgan har bir o'quvchi, oilasining daromadi yoki immigratsion maqomidan qat'i nazar, Kollej uchun jamg'arish dasturida (Save for College Program) ishtirok etishi mumkin.

Shuningdek, geografik 30-maktab okrugidagi 39 ta sinov maktabida bolalar bog'chasidan beshinchi sinfgacha o'qiyotgan har bir o'quvchi ushbu dasturda ishtirok etish huquqiga ega.

Mos bo'lgan o'quvchi dasturga ro'yxatga olinishi uchun ishtirokchi maktabda kamida 60 kun davomida tahsil olgan bo'lishi kerak. Agar siz dasturdan chiqishni tanlamagan bo'lsangiz, farzandingiz sentyabr yoki yanvar oyida avtomatik tarzda Kollej uchun jamg'arish dasturiga (Save for College Program) ro'yxatga olinadi. NYC Kids RISE farzandingiz nomidan boshlang'ich

---

<sup>1</sup> NYC Kids RISE Nyu-York shtatining 529 Kollej Jamg'arma Dasturi bilan na hamkorlik qiladi, na uning rasmiy tarqatuvchisi hisoblanadi hamda investitsiya jalb qilmaydi yoki investitsiya bo'yicha maslahat bermaydi. Nyu-York shahri va NYC Ta'lim Departamenti NY 529 dasturi boshqaruvchisi yoki istalgan kollej jamg'arma hisoblari yoki boshqa investitsiya vositalarini – shu jumladan, oilalar Kollej uchun jamg'arish dasturi (Save for College Program) orqali o'rganadigan vositalarni – tasdiqlamaydi, tavsiya qilmaydi, nazorat qilmaydi va ularga egalik qilmaydi hamda ular bilan bog'liq emas.

100\$ bilan NYC Stipendiya hisobini (NYC Scholarship Account) ochadi.

## 4. Qanday ishtirok etaman?

Agar farzandingiz Kollej uchun jamg'arish dasturida (Save for College Program) ishtirok etishga muvofiq bo'lsa, boshlash juda oson! Bu qanday amalga oshiriladi:

- Farzandingizning maktabidan Chiqish davri (Opt-out Period) boshlanganligi haqida bildirishnoma olganingizda, **shunchaki hech qanday harakat qilmang** (o'sha paytda dasturdan Chiqish tartibi (Opt-out Process) haqida ma'lumot olasiz).
- Chiqish davri (Opt-out Period) tugagach, farzandingiz avtomatik tarzda Kollej uchun jamg'arish dasturiga (Save for College Program) ro'yxatga olinadi va NYC Kids RISE uning nomidan boshlang'ich 100\$ bilan NYC Stipendiya hisobini (NYC Scholarship Account) ochadi.
- Siz NYC Kids RISE tomonidan tayyorlangan **Xush kelibsiz bukleti (Welcome Booklet)** ni olasiz - u orqali qo'shimcha ma'lumot va ko'rsatmalar bilan tanishasiz. Agar siz kuzda dasturdan chiqishni tanlamasangiz, farzandingizning hisobini yangi yilning yanvar oyidan boshlab faollashtirishingiz mumkin bo'ladi. (E'tibor bering: farzandingiz keyinchalik ro'yxatdan o'tsa, faollashtirish vaqti o'zgarishi mumkin.)
- Xush kelibsiz bukletini (Welcome Booklet) olganingizdan keyin, quyidagi havolaga o'ting: [nyckr.org/activate-faq](http://nyckr.org/activate-faq) va farzandingizning NYC Stipendiya hisobini (NYC Scholarship Account) **faollashtiring**. Onlayn platforma - Jamg'armalar trekerida (Savings Tracker) ro'yxatdan o'tgach yoki kirganingizdan keyin, siz farzandingizning NYC Stipendiya hisobini (NYC Scholarship Account) vaqt o'tishi bilan kuzatib borishingiz mumkin bo'ladi. Shuningdek, siz Dasturdagi boshqa asosiy bosqichlarni qanday amalga oshirish haqida ma'lumot olasiz.

## 5. Kollej uchun jamg'arish dasturining (Save for College Program) "stipendiya" qismi qanday ishlaydi?

Farzandingiz dasturga ro'yxatga olingach, NYC Kids RISE uning nomidan NYC Stipendiya hisobini (NYC Scholarship Account) ochadi va ta'limiy kelajagi

uchun avtomatik tarzda 100\$ ajratadi. Ota-onalar yoki vasiylar NYC Stipendiya hisoblariga (NYC Scholarship Account) na pul qo'yishlari, na undan mablag' yechishlari mumkin. Ushbu hisobdagi mablag'lar faqat ishtirokchi o'quvchi maktabni tamomlaganidan so'ng, oliy ta'limga oid tasdiqlangan xarajatlar uchun ishlatiladi. Vaqt o'tishi bilan NYC Kids RISE sizning oilangizga farzandingizning NYC Stipendiya hisobiga (NYC Scholarship Account) ko'proq mablag' yig'ish imkoniyatlarini taqdim etadi. Hamjamiyat tashkilotlari, bizneslar, qo'shnilar va boshqa shaxslar ham farzandingizning kollej va kasb-hunar maqsadlariga erishishiga ko'maklashish uchun o'quvchilar guruhining NYC Stipendiya hisoblariga (NYC Scholarship Account) qo'shimcha mablag' qo'shishlari mumkin.

NYC Kids RISE - notijorat tashkilot bo'lib, stipendiya mablag'lariga ishtirokchi o'quvchilar nomidan egalik qiladi va ularni boshqaradi. Ushbu mablag'lar NY 529 *Direct Plan* ga investitsiya qilinadi - bu hisob turi aynan oliy ta'lim uchun jamg'arishda yordam berish maqsadida ishlab chiqilgan. NYC Stipendiya hisoblari (NYC Scholarship Account) vaqt o'tishi bilan moliyaviy bozorlar va investitsiya natijalariga qarab daromad keltirishi yoki zarar ko'rishi mumkin.

Agar siz muvofiq keluvchi bolaning ota-onasi yoki vasiyasi bo'lsangiz va dasturdan chiqishni tanlamasangiz, NYC Kids RISE farzandingiz nomidan ushbu NYC Stipendiya hisobini (NYC Scholarship Account) ochadi va uni mablag' bilan ta'minlaydi. Farzandingiz uchun NYC Stipendiya hisobi (NYC Scholarship Account) ochilgach, siz NYC Kids RISE tomonidan tayyorlangan Xush kelibsiz bukletini olasiz.

Farzandingizning NYC Stipendiya hisobiga (NYC Scholarship Account) vaqt o'tishi bilan ajratilgan stipendiya mablag'larini faollashtirish va ko'rish uchun:

- Sizdan **HECH QANDAY** pul qo'yish talab etilmaydi
- Sizdan **HECH QANDAY** Ijtimoiy himoya raqami (Social Security Number, SSN), soliq to'lovchining individual identifikatsiya raqami (Individual Taxpayer Identification Number, ITIN), bank hisobi yoki kredit karta ma'lumotlarinigizni taqdim etish talab etilmaydi
- Sizdan **HECH QANDAY** iqtisodiy holat yoki immigratsion maqom haqidagi ma'lumotlarni taqdim etish talab etilmaydi
- Ishtirok etish uchun eng kam yoki eng ko'p daromad talabi **YO'Q**.

## 6. Farzandimning bepul NYC Stipendiya hisobini (NYC Scholarship Account) qachon faollashtirishim mumkin?

**Farzandim 2025-yil kuzida NYC davlat maktabida (yoki ishtirokchi charter maktabida) ilk bor bog'cha, 1-, 2-, 3- yoki 4-sinfni boshladi**

Farzandingizning NYC Stipendiya hisobini (NYC Scholarship Account) **2026-yil yanvar oyidan** boshlab faollashtirib, ko'rishingiz mumkin! Farzandingizning hisobi faollashtirishga tayyor bo'lganda, sizga bu haqda maktabingiz va NYC Kids RISE xabar beradi.

Agar siz boshqa farzandingiz uchun NYC Stipendiya hisobini (NYC Scholarship Account) allaqachon faollashtirgan bo'lsangiz, [nyckr.org/log-in-faq](https://nyckr.org/log-in-faq) manzilida Jamg'armalar trekeriga qayta kirishingiz va yanvar oyida yangi huquqqa ega bo'lgan farzandingizni qo'shishingiz mumkin.



Hozircha dastur haqida batafsil ma'lumotni [nyckr.org/start-faq](https://nyckr.org/start-faq) saytida o'qing yoki [nyckr.org/events-faq](https://nyckr.org/events-faq) manzilida onlayn seminarlarga qo'shiling.

**Farzandim hozirda 1-, 2-, 3- yoki 4-sinfda o'qiyapti va u o'tgan 2024-2025 o'quv yilida NYC davlat maktabida (yoki ishtirokchi charter maktabida) ta'lim olgan**

Agar siz dasturdan chiqishni tanlamagan bo'lsangiz, farzandingizda kollej va kasb-hunar tayyorgarligi uchun **boshlang'ich 100\$** bilan bepul NYC Stipendiya hisobi (NYC Scholarship Account) allaqachon mavjud. Hisobni faollashtirish va ko'rish uchun quyidagi bosqichlarni bajaring hamda **qo'shimcha 25\$ mukofot ishlab oling.**



[nyckr.org/register-faq](https://nyckr.org/register-faq) saytiga tashrif buyuring. Farzandingizning uy pochta indeksi, tug'ilgan sanasi va O'quvchi ID raqamini kiriting. Keyin "Yuborish" tugmasini bosing. Maktabingizdan ham yordam so'rashingiz mumkin!

## 7. Kollej uchun jamg'arish dasturining (Save for College Program) "jamg'armalar" qismi qanday ishlaydi?

Farzandingiz NYC Stipendiya hisobini (NYC Scholarship Account) olgach, siz va oilangiz uchun mos bo'lgan kollej va kasb-hunar tayyorgarligi uchun jamg'arma rejasini qanday tuzish haqida qo'shimcha ma'lumot olasiz. Farzandingizning NYC Stipendiya hisobiga (NYC Scholarship Account) investitsiya qilingan mablag'ni oshirish uchun, siz dastur doirasida farzandingiz foydasiga o'z nomingizga kollej va kasb-hunar tayyorgarligi uchun jamg'arma hisobini ochishingiz va/yoki ulashingiz mumkin.

NYC Kids RISE tomonidan boshqariladigan NYC Stipendiya hisobidan (NYC Scholarship Account) farqli o'laroq, ulangan jamg'arma hisobi sizning oilangizga tegishli bo'ladi. Siz, qarindoshlaringiz va do'stlaringiz ushbu hisobga to'g'ridan-to'g'ri hissa qo'shishingiz mumkin. Siz tanlagan jamg'arma hisobining turiga qarab, oilangiz NYC Kids RISE Jamg'armalar trekeri orqali farzandingizning NYC Stipendiya hisobi (NYC Scholarship Account) bilan birga o'z jamg'arma hisobingizdagi mablag'ni ham onlayn kuzatib borishi mumkin.

Jamg'arma hisobingiz uchun mavjud opsiyalar haqida ma'lumot olish uchun [nyckr.org/options-faq](https://nyckr.org/options-faq) saytiga tashrif buyuring, [nyckr.org/events-faq](https://nyckr.org/events-faq) manzilida NYC Kids RISE tomonidan o'tkaziladigan virtual seminarida qatnashing, 833-KID-RISE (833-543-7473) raqamiga qo'ng'iroq qiling, [info@nyckidsrise.org](mailto:info@nyckidsrise.org) emailiga yozing yoki NYC Kids RISE vakili bilan suhbatlashish uchun uchrashuv belgilang.

Shuningdek, NYC Moliyaviy imkoniyatlarni rivojlantirish markazida bepul moliyaviy maslahat olish uchun uchrashuv belgilashingiz mumkin. [nyc.gov/talkmoney](https://nyc.gov/talkmoney) orqali uchrashuv band qiling.

## 8. NYC Stipendiya hisobidagi (NYC Scholarship Account) pul nimaga ishlatilishi mumkin?

NYC Stipendiya hisobidagi (NYC Scholarship Account) mablag'lar NY 529 *Direct Plan* ga orqali investitsiya qilinadi va turli tasdiqlangan oliy ta'lim xarajatlari uchun ishlatilishi mumkin. Garchi 529 hisob rasmiy nomda kollej jamg'arma hisobi deb yuritilsa-da, u AQSHda va xorijdagi huquqiy maqomga ega oliy o'quv yurtlaridagi tasdiqlangan oliy ta'lim xarajatlarini qoplash uchun ishlatilishi mumkin. An'anaviy to'rt yillik kollej va universitetlardan tashqari, huquqqa ega bo'lgan boshqa ta'lim muassasalariga ham quyidagilar kiradi: jamoat kollejlari, kasb-hunar va texnik maktablari, akkreditatsiyadan o'tgan amaliyot dasturlari hamda onlayn daraja dasturlari. Stipendiya mablag'lari o'qish to'lovi, yig'imlar, uskunalar, ayrim turar joy xarajatlari va hatto ko'pincha boshqa stipendiyalar qoplamaydigan darsliklar uchun ham ishlatilishi mumkin. To'liq ro'yxat uchun quyidagi havolaga tashrif buyuring: [nysaves.org](http://nysaves.org)

Agar dastur ishtirokchisi bolalar bog'chasini tugatganidan keyin 20 yil ichida NYC Stipendiya hisobidagi (NYC Scholarship Account) mablag'lardan foydalanmasa, bu mablag' NYC Kids RISE'ga qaytariladi va kelgusidagi Kollej uchun jamg'arish dasturi (Save for College Program) ishtirokchilarini qo'llab-quvvatlash uchun ishlatiladi.

NYC Stipendiya hisobidagi (NYC Scholarship Account) mablag'lar, hatto ular federal qonun bo'yicha ruxsat etilgan bo'lsa ham, bolalar bog'chasidan 12-sinfgacha bo'lgan ta'lim xarajatlari uchun ishlatilmaydi.

## 9. Agar men dasturdan chiqishni tanlamasam, farzandimni Kollej uchun jamg'arish dasturiga (Save for College Program) ro'yxatga olish uchun NYC Kids RISE men va farzandim haqida qanday ma'lumotlarni oladi?

NYC Kids RISE har bir ishtirokchi o'quvchi uchun NYC Davlat maktablaridan quyidagi ma'lumotlarni oladi:

- Dastur uchun o'quvchining yagona identifikatsiya raqami;
- O'quvchining to'liq ism-familiyasi;
- O'quvchining tug'ilgan sanasi;
- O'quvchining uy manzili;
- O'quvchining uy manzili o'zgargan yoki yo'qligi;
- O'quvchining uy telefon raqami;
- O'quvchining maktab nomi;
- O'quvchining joriy sinf darajasi;
- O'quvchining uyida so'zlashiladigan til(lar);
- Agar mavjud bo'lsa, o'quvchining NYC davlat maktab tizimi ichida yoki undan tashqariga boshqa maktablarga o'tganligi haqida ma'lumot.

NYC Kids RISE, har bir ishtirokchi o'quvchi uchun, eng ko'pi bilan ikki nafar ota-ona yoki vasiy haqida quyidagi ma'lumotlarni ham oladi:

- Dastur uchun ota-onaning yagona identifikatsiya raqami;
- Ota-ona yoki vasiyning to'liq ismi-familiyasi;
- Ota-ona yoki vasiyning email manzili;
- Ota-ona yoki vasiyning uyali va/yoki boshqa telefon raqami.

Bu ma'lumotlar siz farzandingizni maktabga ro'yxatga qo'yayotganingizda to'ldiradigan "ko'k karta" (blue card) dagi ma'lumotlarga o'xshashdir. Mazkur ma'lumotlar NYC Kids RISE tashkilotiga har bir ishtirokchi bola uchun NYC Stipendiya hisobini (NYC Scholarship Account) yaratish va har bir hisobga boshlang'ich 100\$ mablag' ajratish imkonini beradi. NYC Kids RISE barcha oila ma'lumotlari bo'yicha qat'iy maxfiylik va shaxsiy ma'lumotlarni himoya qilish qoidalariga amal qiladi.

## 10. Agar men ishtirok etishni xohlamasam, nima qilishim kerak?

Agar siz farzandingizning Kollej uchun jamg'arish dasturi (Save for College Program)da ro'yxatga olinishini xohlamasangiz, 30 kun ichida maktabingizga imzolangan chiqish shaklini (opt-out form) qaytarib topshiring yoki NYC Maktab hisobingiz orqali dasturdan chiqish amalini bajarib. Ushbu harakatlardan birini bajarish, farzandingiz: NYC Stipendiya hisobi (NYC Scholarship Account), boshlang'ich 100\$ investitsiya yoki kelgusidagi mablag'lardan qabul qilmaydi deganidir. Qo'shimcha tafsilotlar uchun farzandingizning chiqish shakliga (opt-out form) qarang yoki [nyckr.org/NYCPS](http://nyckr.org/NYCPS) veb saytga tashrif buyuring.

## 11. Agar men hozir Kollej uchun jamg'arish dasturida (Save for College Program) ishtirok etmaslikni tanlasam, keyinchalik farzandimni qayta ro'yxatga qo'ya olamanmi?

Ha, agar siz dastlab ishtirok etmaslikni tanlagan bo'lsangiz, lekin keyinchalik fikringizni o'zgartirsangiz va farzandingizni dasturga qo'shmoqchi bo'lsangiz, keyinchalik uni qayta ro'yxatga qo'yish mumkin. Oilalarga farzandlarining beshinchi sinfi oxirigacha qayta ro'yxatdan o'tkazish imkoniyati beriladi. Batafsil ma'lumot uchun [nyckr.org/NYCPS](http://nyckr.org/NYCPS) manziliga tashrif buyuring.

## 12. Chiqish bildirishnomasi (Opt Out Notice) muddati tugagandan keyin farzandimning Kollej uchun jamg'arish dasturidagi (Save for College Program) ishtirokini bekor qila olamanmi?

Ha, dastlab ro'yxatga olinganidan keyin ham farzandingizning ushbu dasturdagi ishtirokini bekor qilishingiz mumkin. Batafsil ma'lumot va ko'rsatmalar uchun [nyckr.org/NYCPS](http://nyckr.org/NYCPS) manziliga tashrif buyuring.

## 13. Immigratsion maqom qatnashish imkoniyatiga qanday ta'sir qiladi?

Ta'sir qilmaydi! Barcha huquqqa ega o'quvchilar immigratsion maqomidan qat'i nazar Kollej uchun jamg'arish dasturida (Save for College Program) ishtirok etishlari mumkin.

Oilalar farzandini dasturga ro'yxatga olish va NYC Stipendiya hisobiga (NYC Scholarship Account) ega bo'lishi uchun hech qanday Ijtimoiy himoya raqami (Social Security Number, SSN) yoki Soliq to'lovchining individual identifikatsiya raqami (Individual Taxpayer Identification Number, ITIN) taqdim etishlari shart **emas**.

Biroq, agar siz farzandingiz foydasiga o'z nomingizga kollej va kasb-hunar tayyorgarligi uchun jamg'arma hisobini ochib, NYC Stipendiya hisobi (NYC Scholarship Account) bilan birga jamg'arishni rejalashtirayotgan bo'lsangiz, bunday jamg'arma hisoblarini ochish uchun SSN yoki ITIN talab etilishini e'tiborga oling. Bundan tashqari, agar siz NY 529 *Direct Plan* ga ni jamg'arma varianti sifatida ochish va ulashni tanlasangiz, tasdiqlangan AQSH manzili bilan AQSH fuqarosi yoki doimiy rezidenti sifatida Ichki daromadlar xizmati (Internal Revenue Service, IRS) ta'rifiga mos kelishingiz kerak.

Siz farzandingiz uchun NYC Kids RISE tomonidan ochiladigan va boshqariladigan bepul NYC Stipendiya hisobini (NYC Scholarship Account) olish uchun farzandingiz nomidan o'z nomingizga hisob ochishingiz **shart emas**.

## 14. NYC Stipendiya hisobiga (NYC Scholarship Account) ega bo'lish davlat imtiyozlarini olish huquqiga qanday ta'sir qiladi?

NYC Stipendiya hisoblari (NYC Scholarship Account) NYC Kids RISE tomonidan boshqariladi va ularga egalik qilinadi. Shuning uchun stipendiya hisobiga ega bo'lish davlat imtiyozlarini olishga murojaat qilayotgan o'quvchi yoki oilaning arizasiga ta'sir **qilmaydi**. Agar oila o'z nomiga kollej va kasb-hunar ta'limi uchun jamg'arma hisobini ochib, u yerga mablag' jamg'arsa, bu aktiv ayrim davlat imtiyozlarini olishga ta'sir qilishi mumkin. O'z jamg'arma hisobiga hissa qo'shish davlat imtiyozlariga qanday ta'sir qilishi haqida batafsil ma'lumot olish uchun [nyckr.org/infomaterials-faq](http://nyckr.org/infomaterials-faq) saytiga kiring va batafsil

ma'lumot uchun "Kollej uchun jamg'arish va Davlat imtiyozlari" ("Save for College Program and Public Benefits") nomli qo'llanmani yuklab oling.

## 15. NYC Stipendiya hisobiga (NYC Scholarship Account) ega bo'lish moliyaviy yordam olish huquqiga ta'sir qiladimi?

NYC Stipendiya hisoblari (NYC Scholarship Account) NYC Kids RISE tomonidan boshqariladi va egalik qilinadi. Shu sababli, hisobga ega bo'lish mablag' hisobda saqlanayotgan davrda o'quvchining moliyaviy yordam olish huquqiga ta'sir **qilmaydi**. Farzandingiz kollej yoki kasb-hunar tayyorgarligiga yaqinlashgani sayin, NYC Kids RISE stipendiya hisobidagi mablag'ni bolaning ta'limi uchun ishlatish moliyaviy yordamga qanday ta'sir qilishi mumkinligi haqida qo'shimcha ma'lumot beradi. Buning ta'siri bo'lishi ham, bo'lmasligi ham mumkin.

Agar oila o'z nomiga kollej va kasb-hunar tayyorgarligi uchun alohida jamg'arma hisobida mablag' saqlasa, bu jamg'armalar farzandning moliyaviy yordam paketiga ta'sir qilishi mumkin. Joriy moliyaviy yordam qoidalariga ko'ra, o'z jamg'arma hisobiga hissa qo'shish farzandingizning moliyaviy yordam olish huquqiga qanday ta'sir qilishi mumkinligi haqida qo'shimcha ma'lumot olish uchun [nyckr.org/infomaterials-faq](http://nyckr.org/infomaterials-faq) saytiga kiring va "Kollej uchun jamg'arish dasturi va uning kelajakdagi moliyaviy yordamga ta'siri" ("Save for College Program and Impact on Future Financial Aid") qo'llanmasini yuklab oling. E'tibor bering, moliyaviy yordam qoidalari vaqt o'tishi bilan o'zgarib turadi.

## 16. Ushbu stipendiya farzandimning kelajakda boshqa stipendiyalar olishiga to'sqinlik qiladimi?

NYC Kids RISE Kollej uchun jamg'arish dasturi (Save for College Program) doirasidagi NYC Stipendiya hisobiga (NYC Scholarship Account) ega bo'lish yoki Hamjamiyat stipendiya(lar)ini (Community Scholarships) olish, odatda, farzandingizning kelajakda boshqa dasturlar va tashkilotlar orqali turli xil stipendiyalar olishiga to'sqinlik qilmaydi. Biroq, bu holat boshqa stipendiyalarning shartlariga bog'liq bo'lishi mumkin. Har bir stipendiya dasturining shartlarini diqqat bilan ko'rib chiqing.

## 17. Agar farzandim kollejga bormasa, nima bo'ladi?

Agar Kollej uchun jamg'arish dasturidagi (Save for College Program) bola kollej yoki universitetga bormasa ham, uning NYC Stipendiya hisobidagi (NYC Scholarship Account) mablag'i hunar va kasb-hunar o'quv markazlari uchun to'lovlar, malakali amaliyot dasturlari, onlayn daraja dasturlari va boshqa tasdiqlangan ta'lim xarajatlari uchun ishlatilishi mumkin. Agar dasturdagi o'quvchi bolalar bog'chasini tugatganidan keyin 20 yil ichida NYC Stipendiya hisobidagi (NYC Scholarship Account) mablag'lardan hech qanday mos ta'lim muassasasida oliy ta'lim bilan bog'liq xarajatlar uchun ushbu mablag'ni ishlatmasa, bu mablag' NYC Kids RISE'ga qaytariladi va kelgusidagi Kollej uchun jamg'arish dasturi (Save for College Program) ishtirokchilarini qo'llab-quvvatlash uchun ishlatiladi.

---

**BATAFSIL:** Farzandingizning maktabi bilan yoki NYC Kids RISE 833-543-7473 raqami yoki [info@nyckidsrise.org](mailto:info@nyckidsrise.org) email manzili orqali bog'laning yoki [nyckidsrise.org](http://nyckidsrise.org) saytiga tashrif buyuring.

*NYC Kids RISE - bu notijorat tashkilot bo'lib, Nyu-York shahri va NYC davlat maktablari (NYC Ta'lim Departamenti) bilan hamkorlikda Kollej uchun jamg'arish dasturini (Save for College Program) boshqaradi.*

*NYC Kids RISE Kollej uchun jamg'arish dasturida (Save for College Program) - bu stipendiya va jamg'arma dasturi bo'lib, u NYC Kids RISE Inc. nomli notijorat tashkiloti tomonidan Nyu-York shahri Ta'lim Departamenti va Nyu-York shahri ma'muriyati hamkorligida boshqariladi.*

**NYC**  
**KiDS RiSE™**  
**Save for College  
Program**

**nyckidsrise.org**



**info@nyckidsrise.org**  
**833-543-7473**

**@nyckidsrise**

